

莊子集解

三





莊子集解卷七

長沙 王先謙 益吾

雄篇則陽第二十五

則陽游於楚

成云姓彭名陽字則陽魯人

夷節言之於王王未之見夷節歸

成云夷姓名節楚臣王楚文王也

彭陽見王果曰夫子何不譚我於王

司馬云王果楚

賢人李云譚說也

王果曰我不若公閱休

釋文公閱休隱士也

彭陽曰公閱休奚

爲者邪曰冬則擲鼈於江

司馬云擲刺也

夏則休乎山樊有過而問者

曰此予宅也

釋文廣雅云樊邊也司馬云以隱居山陰自顯郭云言此者以抑彭陽之進趣

夫夷節已

不能而況我乎吾又不若夷節

爲人又

夫夷節之爲人也无德

而有知

同智

不自許以之神其交

不以氣誼自許與惟以推薦神其交結之術

固顛冥

乎富貴之地

固顛倒冥蒙於富貴之地

非相助以德相助消也

非能以德相助相助以消

德也夫凍者假衣於春凍者逢春不啻假之以衣不喝者反冬釋文字林云喝傷暑冷風

也若得冷風則不啻反爲冬時夫楚王之爲人也形尊而嚴其於罪也无赦如

虎暴戾非夫佞人正德其孰能撓焉王云佞人以才辯奪之正德以至道服之否則不撓

也故聖人上文正德此文聖人皆謂公閱休其窮也使家人忘其貧其達也使

王公忘其爵祿而化卑郭云失其所以爲高其於物也與之爲娛矣其於

人也樂物之通而保己焉成云混迹人間而無滯塞雖復通物而不喪我故或不言而

飲人以和郭云人各自得斯飲和矣豈待言哉與人並立而使入化郭云望其風而靡父

子之宜彼其乎歸居彼其猶詩云彼其之子也歸居猶言安居易云父子而家道正正家而天下定

即其義也而一閒其所施既歸隱不出則所施於物者爲之一閒也釋文閒音閑其於人心者

若是其遠也其清高遠於人心故曰待公閱休郭云欲其釋楚王而從閱休將以靜泰之風鎮

其動心也

聖人達綢繆周盡一體矣

聖人自愛其身由中達外周至無間

而不知其然性也

不知其然而然出於性也

復命搖作而以天爲師人則從而命之也

作動也或有搖

動皆復其本命而以己之天爲師人不過從而命之

憂乎知而所行恆无幾時其有止也

若之何

知貴能行專以知爲憂而所行無幾時甫行又止吾將若之何哉言行不可有止

生而美者人

與之鑑

人告以美不啻予以鏡也

不告則不知其美於人也若知之若不知

之若聞之若不聞之其可喜也終无已人之好之亦无已性也

以上借美爲喻

聖人之愛人也人與之名

奉以至仁之名

不告則不知其愛人

也若知之若不知之若聞之若不聞之其愛人也終无已人之

安之亦无已性也

循性而行貴在無已

舊國舊都望之暢然

宣云以故鄉喻本性

雖使丘陵草木之緝

郭云緝合也姚云緝

乃茫昧不分明之意在宥篇當我緝乎同此解

入之者十九猶之暢然況見見聞聞者

也俞云入謂入於上陵草木掩蔽之中也入之者十九則其出外而可望見者十之一耳而猶覺暢然喜悅況見所嘗見聞

所嘗聞者乎以十仞之臺縣眾聞者也俞云猶以十仞之臺懸眾人耳目之間無不共見共聞其

暢然更可知

冉相氏得其環中以隨成俞云路史循蜚紀有冉相氏郭云居空以隨物而物自成案齊物論篇樞

始得其環中與物无終无始无幾无時日成云無始無過去無終無未來無幾無時

以應無窮與物无終无始无幾无時日郭云與物化故常無我常

無見在案日字當屬上讀與物化者一不化者也郭云與物化故常無我常

見知北遊篇闔嘗舍之闔同曷成云與化俱往曷嘗暫舍也夫師天而不得師天與物

皆殉其以為事也若之何夫欲師天之自然而卒不得以致與物皆殉其以應物為事也究如何

夫聖人未始有天未始有人未始有始未始有物宣云無心若此與世

偕行而不替所行之備而不洩王云洩敗壞也案與物偕行而無所替廢所行皆備而無所敗

壞所謂無為其合之也若之何其無心而合道也又如何兩言若之何欲人之自審擇

湯得其司御門尹登恆爲之傳之

宣云司御門尹官名向云登恆人名成云殷湯忘物得良

臣爲師傳端拱而不爲也案司御門尹當是兩官疑御下或有奪文故郭云委之百官而不與也不止一師故下云從師而不

圍從師而不圍得其隨成

宣云從師而不圍於師得環中隨成之道

爲之司其名之

名

成云推功司御名不在已

羸法得其兩見

成云羸然無心也見顯也案無師法而君臣兩顯所謂以其君

顯也仲尼之盡慮爲之傳之

郭云仲尼曰天下何思何慮慮已盡矣宣云當以仲尼爲師而化之

容成氏曰除日无歲

郭云今所以有歲而存日者爲有死生故也若無死無生則歲日之計除案淮南本

經訓高注容成氏黃帝時造厯日者

无内无外

成云内我也外物也爲計死生故有内外歲日既遣物我何施姚云

除日無歲積少以爲多也無内無外積微以成著也此古之格言

魏瑩與田侯牟約

司馬云瑩惠王牟齊威王

田侯牟背之魏瑩怒將使人刺

之犀首聞而恥之曰君爲萬乘之君也而以匹夫從讎

釋文犀首魏官

名司馬云若今虎牙將軍公孫衍爲此官

衍請受甲二十萬爲君攻之虜其人民係

其牛馬使其君內熱發於背然後拔其國忌也出走

田忌也

然後

扶其背折其脊

釋文三蒼云扶擊也

季子聞而恥之曰

釋文季子魏臣

築十仞之

城城者既十仞矣則又壞之

俞云下十乃七之誤七仞去十仞不遠城基已厚若既十仞直謂之

已成可耳此與下文兵不起七年是王之基對文爲喻十當作七無疑

此胥靡之所苦也

成云胥靡徒役

也今兵不起七年矣此王之基也衍亂人不可聽也

宣云胥靡尚惜已築

之城犀首乃欲傾可王之基此亂人也

華子聞而醜之曰

釋文華子亦魏臣

善言伐齊者

亂人也

成云善巧

善言勿伐者亦亂人也謂伐之與不伐亂人也者

又亂人也

成云此華子自道之詞宣云猶未免營小於事也

王曰然則若何曰君求其

道而已矣

宣云道與太虛同體王業且不足言況騁怒乎

惠子聞之而見戴晉人

釋文晉人

梁國賢人惠施薦之魏王

戴晉人曰有所謂蝸者君知之乎

釋文蝸音瓜李云有兩角俗謂

之蝸牛三蒼云小牛螺也俗名黃犢

曰然有國於蝸之左角者曰觸氏有國於蝸

之右角者曰蠻氏時相與爭地而戰伏尸數萬逐北旬有五日

而後反君曰噫其虛言與曰臣請爲君實之君以意在四方上

下有窮乎

蘇輿云在猶察也

君曰无窮曰知遊心於无窮而反在通達

之國若存若亡乎

郭云人迹所及爲通達謂今四海之內也成云語其大小可謂如有如無

君曰然

曰通達之中有魏於魏中有梁

成云昔在河東國號爲魏爲秦所逼徙都於梁

於梁中

有王王與蠻氏有辯乎君曰无辯客出而君惘然若有亡也

釋文

惘惘也如有所失

客出惠子見

上言客出此客出二字當衍

君曰客大人也聖人不

足以當之

成云晉人所談其理宏博堯舜聖人之行不足以當之

惠子曰夫吹筦也猶有

嗃也

釋文嗃許文反管聲也

吹劍首者呬而已矣

釋文呬音血又呼悅反司馬云劍首謂劍環頭

小孔也呬然如風過

堯舜人之所譽也道堯舜於戴晉人之前譬猶一呬

也

孔子之楚舍於蟻丘之漿

李云蟻丘山名賣漿家

其鄰有夫妻臣妾登極

者

司馬云極屋棟也升之以觀

子路曰是稷稷何爲者邪

釋文稷亦本作總成云眾聚也

仲

尼曰是聖人僕也

成云古者淑人君子均號聖人故孔子名宜僚爲聖人言眾多者是市南宜僚之僕隸也

是自埋於民

郭云與民同

自藏於畔

王云隱藏於隴畔

其聲銷其志无窮

志在

大

道其口雖言其心未嘗言

心恆凝寂

方且與世違而心不屑與之俱

成云心迹俱異

是陸沈者也

宣云無水而自沈也

是其市南宜僚邪子路請往召

之孔子曰已矣彼知丘之著於己也

成云著明識也

知丘之適楚也以

丘爲必使楚王之召己也彼且以丘爲佞人也夫若然者其於

佞人也羞聞其言而況親見其身乎

必不相見

而何以爲存

宣云言必避去

子路往視之其室虛矣

長梧封人問子牢曰

釋文長梧地名封人守封疆之人司馬云子牢卽琴牢孔子弟子

君爲政

焉勿鹵莽治民焉勿滅裂

司馬云鹵莽猶麤粗也謂淺耕稀種也滅裂斷其草也盧云麤干奴反粗

才古反二字古多連用繁露俞序篇始於麤粗終於精微論衡正說篇略正題目麤粗之說以照篇中微妙之文其他以麤犢連用者亦多猶麤粗也有

昔予爲禾耕而鹵莽之則其實亦鹵

莽而報予芸而滅裂之其實亦滅裂而報予予來年變齊

來年猶言

次年變齊者更變而整齊之

深其耕而熟耰之

司馬云耰鋤也

其禾繁以滋予終年

厭飡

厭足

莊子聞之曰今人之治其形理其心多有似封人之所

謂遁其天離其性滅其情亡其神以眾爲

無所不營

故鹵莽其性者

欲惡之孽爲性萑葦蒹葭

案言所欲所惡叢生而傷正性是吾性之萑葦蒹葭也

始萌以

扶吾形尋擢吾性

俞云尋與始相對爲義漢書郊祀志寢尋於泰山矣晉灼注尋遂往之意也言欲惡之事

其始萌若足以扶助吾形寢尋既久則引誘吾心拔擢吾性也

並潰漏發不擇所出

並潰奔潰也漏發穿

孔而出也言情欲之害奔潰偏發不擇處所精神既敗形氣隨之也

漂疽疥癰內熱溲膏是也

文釋

漂本亦作瘰癧疽謂病瘡膿出洩
膏謂虛勞人尿上生肥白沫也

柏矩學於老聃釋文柏矩曰請之天下遊老聃曰已矣天下猶

是也又請之老聃曰汝將何始曰始於齊至齊見宰人焉推而

強之解朝服而幕之成云推而強之令其正卧司馬云幕覆也

之言枯也謂磔之漢景帝紀改磔曰棄市顏注磔謂張其尸也是古之辜磔人者必張尸於市故柏矩如此號天而

哭之曰子乎子乎天下有大菑子獨先離之大菑謂被殺也曰莫爲盜

莫爲殺人宣云又言不是爲盜榮辱立然後覩所病郭云各自

辱得失紛紜故榮辱立榮辱立則夸其所謂辱而跂其所謂榮矣奔馳乎夸跂之間非病如何貨財聚然後覩

所爭郭云若以知足爲富將何爭乎今立人之所病聚人之所爭窮困人之身

使无休時欲无至此得乎郭云上有所好則下不能安其本分古之君人者以得

爲在民以失爲在己以正爲在民以枉爲在己成云引故一形過責躬

有失其形者退而自責

一形人也成云一物失所虧其形性自責若殷湯自翦千里來霖是也今

則不然匿爲物而愚不識

隱匿爲事而責不識此物者爲愚

大爲難而罪不敢

大爲艱難而以

不敢爲者爲罪

重爲任而罰不勝

宣云過重其任而於不勝者加罰

遠其塗而

誅不至

宣云遠其程塗而於不至者加誅

民知力竭則以僞繼之

郭云將以日避誅罰也

出多僞士民安得不僞

宣云蓋上行下效耳

夫力不足則僞知不足則欺

財不足則盜盜竊之行於誰責而可乎

郭云當責上也

蘧伯玉行年六十而六十化

宣云不固於故也

未嘗不始於是之而卒

詘之以非也

成云一歲之中是非常出故始時之是終詘爲非

未知今之所謂是之非

五十九年非也

與寓言篇孔子同

萬物有乎生而莫見其根有乎出而莫見其門人皆尊其知之

所知而莫知恃其知之所不知而後知可不謂大疑乎

上兩其知音智

下如字郭云我所不知物有知之者矣故用物之知則無所不知獨在我知知甚寡矣今不恃物以知而自尊知則物不告我非大疑如何宣云知之所不知上所言莫見者是已乎已乎且無所逃宣云不知之理古今誰能逃之

釋文然乎言未然案此與論語其然豈其然乎意同

仲尼問於大史大弢伯常騫狶韋曰大弢三人史官名夫衛靈公飲酒

湛樂不聽國家之政田獵畢弋不應諸侯之際司馬云際謂盟會之事其

所以爲靈公者何邪郭云靈有二義大弢曰是因是也成云亂而不損曰靈無道之謚

故曰是因是也伯常騫曰夫靈公有妻三人同濫而浴釋文濫浴器史鮪奉

御而進所至其搏幣而扶翼成云公見史魚深懷愧悚假遣人搏捉幣帛令扶將羽翼慰而送之

其慢若彼之甚也見賢人若此其肅也是其所以爲靈公也成云

又謚法德之精明曰靈狶韋曰夫靈公也死卜葬於故墓不吉卜葬於沙

丘而吉掘之數仞得石槨焉洗而視之有銘焉曰不馮其子靈

公奪而里之

釋文里居處也郭嵩燾云古之葬者謂子孫無能馮依以保其墓靈公得而奪之

夫靈公

之爲靈也久矣之二人何足以識之

蘇輿云狶韋歸之前定言命言神者之所祖也

少知問於大公調曰何謂丘里之言

李云四井爲邑四邑爲丘五家爲鄰五鄰爲里

大

公調曰丘里者合十姓百名而以爲風俗也合異以爲同

宣云合十

百爲丘里

散同以爲異

宣云散丘里爲十百

今指馬之百體而不得馬而馬係

於前者立其百體而謂之馬也

宣云可見合異爲同方能見道天下理皆如此

是故丘

山積卑而爲高江河合水而爲大

俞云水乃小之誤高卑小大相對爲文

大人合

并而爲公

郭云無私於天下則天下之風一也

是以自外入者有主而不執

宣云心爲

天下大本故自外入者有存主而無偏執

由中出者有正而不距

宣云行爲天下達道故由中出者得

正理而物不能距案正作匹說見天運篇注

四時殊氣天不賜故歲成

宣云賜則私也五官

殊職君不私故國治

郭云殊職自有其才故任之耳非私而與之

文武大人不賜故

德備

郭云文者自文武者自武非大人所賜也若由賜而能則

有時而闕矣豈唯文武凡性皆然案宣本武下有殊材二字文似有闕而郭本已無釋

文成

疏皆然自係後人增竄萬物殊理道不私故无名

得而

无名故无爲无爲而无不爲

郭云名止於實故無爲實各自爲故無不爲

時有

終始世有變化禍福溘溘至有所拂者而有所宜

王云溘溘流行貌宣云禍

福渾然自爲倚伏失意中藏有好處

自殉殊面

成云殉逐也面向也彼此是非紛然固執故各逐己見而所向不同

有所正者有所差

郭嵩壽云強之以異趣名爲正之而實已兩差

比於大澤百材皆度

百木隨川而下皆於水次受量度無棄材比譬也

觀於大山木石同壇

木石同生於大山之基址成云

也

此之謂巨里之言少知曰然則謂之道足乎大公調曰不

然今計物之數不止於萬而期曰萬物者

成云期限也

以數之多者

號而讀之也

李云讀猶語也

是故天地者形之大者也陰陽者氣之大

者也道者爲之公

宣云道者天地陰陽所公共不可指之爲形不可指之爲氣是其大更爲無偶也

因

其大而號以讀之則可也

宣云譬物之萬不可數而約略號之便於稱謂道之大更無可指稱亦借

一道字約略號之耳豈真有一事一物可名為道哉

已有之矣乃將得比哉

宣云既有道之名即不可

與無則若以斯辯譬猶狗馬其不及遠矣

宣云如子云謂之道則是道猶狗之名狗

馬之名馬同於一物其不及道遠矣

少知曰四方之內六合之裏萬物之所生惡

起宣云疑不可名為道則萬物以何為本

太公調曰陰陽相照相蓋相治

俞云蓋當讀為

害釋言蓋割裂也釋文蓋舍人本作害是蓋害古字通陰陽或相害或相治猶下云四時相生相殺也

四時相代

相生相殺欲惡去就於是橋起

宣云橋同矯下同成云起貌也

雌雄片合於是

庸有

釋文片音判成云庸常也

安危相易禍福相生緩急相摩聚散以成

緩急

謂壽夭聚散謂生死

此名實之可紀精微之可志也隨序之相理橋運之

相使

成云四序相隨更相治理五行運動遞相驅使

窮則反終則始此物之所有言之

所盡知之所至極物而已

極於可見之物而已

觀道之人不隨其所廢不

原其所起

宣云知其無端任其自然隨猶追尋也

此議之所止

宣云鳥可妄言萬物起於何處哉

少知曰季眞之莫爲接子之或使二家之議孰正於其情孰偏

於其理

成云季眞接子齊賢人俱遊稷下莫無也使爲也季眞以無爲爲道接子謂道有爲使物之功各執一家未爲

通論故問以定臧否俞云禮祭義鄭注孟子公孫丑趙注並云或有也此文或與莫對莫無也或有也易益上九莫益之或擊

之亦以莫或相對郭慶藩云接子漢書人表作捷子接捷太公古字通史記孟子荀卿列傳索隱接子古著書者之名號

調曰雞鳴狗吠是人之所知雖有大知同不能以言讀其所自

化

宣云若究其一鳴一吠天然之故雖智者不能解說其自化之妙

又不能以意其所將爲

宣云

又不能意度其斯而析之

宣云斯割也詩斧以斯之

精至於无倫大至於不

可圍

精細倫比也宣云微物鳴吠尙不能明其所以然則小至莫破大至莫載烏可言讀意測邪

或之使莫

之爲未免於物而終以爲過

宣云二說猶未免物累終是立言之過

或使則實

成云

滯有

莫爲則虛

成云溺無故也

有名有實是物之居

宣云說實則是物之所居也此或使